



ATASSUT
Steen Lyngé

UPA15/80-1
19.03.2015.

Uunga siunnersuut: Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allanngortinneqarneranik Inatsisartut inatsisaat nr. xx, xx. xx 2015-imeersoq.

(Umiarsuarni takornarianik angallassisuni ilaasut akileraarutaannik aamma ilaasunik nalinginnaasunik takornarianillu angallassinermi ilaasut akileraarutaannik atorunnaarsitsineq)

(Aningaasaqarnermut Aatsitassanullu Naalakkersuisoq)

Umiarsuarni takornarianik angallassisuni ilaasut akileraarutaannik aamma ilaasunik nalinginnaasunik takornarianillu angallassinermi ilaasut akileraarutaannik atorunnaarsitsinissaq siunertaralugit inatsisissatut siunnersuut ATASSUT-mit ilalerlugu imatut oqaaseqaateqassaagut:

Imaatigut silaannakkulluunniit imaluunniit angallasseriaatsit taakku akuleriisillugit nunatsinnut takornariartartut amerlisarneqarnissaat inuiaqatigiittut ataatsimoorluta sulissutigisariaqarparput, matumanilu siunnersuut inatsisitigut oqilisaaneq pisariillisaanerlu aqutissiuunniarneqarmata ATASSUT-mit iluarisimaarinnippugut.

ATASSUT-mit upperaarput akitsuusersuinikkut oqilisaaneq aallaqqaammum nunatta karsiata isertitakinnerulersitsissagaluartoq umiarsuit takornariartaatsit nunatsinnukarusukkumaartussat amerliartoqqilersinneqarnerisigut aningaasarsiornikkut iluaqutigineqarnera pilertortumik annertusiartoqqilissasoq.

Taamatuttaaq umiarsuit ilaasoqarsinnaassusaat aallaavigalugu ataatsimoortumik akitsuusiisalernissaq nunatsinni pisortanut aammalu takornarialerivinnut pisariillisaanermik nassataqassammat ATASSUT-mit naatsorsuutigaarput tamanna aamma iluaqutaalluarumaartoq akikillisaataallunilu.



ATASSUT INATSIARTUNI

ATASSUT-mit iliuuseriniarneqartut iluarisimaaratsigit aammalu Naalakkersuisooqatigiit anguniagaannut naapertuummata matumuuna inassutigissavarput siunnersuut akuersaarneqassasoq taamatullu iluseqarluni aappassaaniigassanngortinneqassasoq.